

EW NOPUNG

A awora ukukun \$150,000 seni ewe Monienapen ewe Legislature-un Chuuk ren fan asengessin monien ewe Truk Scholarship and Vocational Training Fund, me pwan ren ekkoch popun.

Epwe Pung me ren ewe Legislature-un Chuuk.

Tetten 1. Iei a kawor ukukun \$150,000, ika fite ukukun mei namot ren an epwe tangeni naaf, seni ewe Monienapen Legislature-un Chuuk ren fan asengessin monien ewe Truk Scholarship me Vocational Training Fund usun a affat non Sopun 3, Itenap 15, me non ewe Pukenapen Annukun Chuuk.

Tetten 2. Ei ukukun moni mei kawor non Tetten 1 epwe namw fan tumunuwen ewe Director-un Putaen Education ewe epwe wisen tumunu nouncun me mwokutukutun ewe moni fan iten ewe Kepina nge ewe State Treasurer epwe wisen atou ewe moni fan itan pwan fan pungun me ren ewe Scholarship Board me met mi affat non Sopun 3, Itenap 15, me non ewe Pukenapen Annukun Chuuk ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor kateun me nouncun ei moni epwe nap seni ei ukukun mei kawor. Met ukukun ei moni esemwo it ne nouncu ika esemwo nussuno non September 30, 1982, epwe niwin sefaan ngeni ewe Monienapen ewe Legislature-un Chuuk.

Tetten 3. Ewe Director epwe awora an repot wcn napanapen nouncun me mwokutukutun ei moni ngeni ewe Legislature me mwen April 15, 1982, epwe affatatiw:


(1) unusen parausen nouncun ewe moni fongon me ukukun nussun mei chiwen wor non April 1, 1982; pwan

(2) met sakkun atoot ika anapanap ren ewe nussun moni esemwo nouncu tori non April 1, 1982, an epwe nouncu non met ukukun nussun ewe Fiscal Year nge och sopusopun repot epwe pwan kawor nefinen 20 ran me murin soponon ewe Fiscal Year ngeni ewe Legislature ika ew Committee mei finita, epwe affatatiw napanapen nouncun me mwokutukutun ewe moni; pwan

(3) awora anapanapen ukukun moni epwe kawor ren fan asengesin ewe
Scholarship Fund non Fiscal Year 1983.


Tetten 4. Ei Namopung epwe poputa pochokunan fansoun an a kapunguno
me ren ewe Kepina, ika a pusin winiti annuk, nge esemwo kapunguno.

Sain seni:



Tadashi C. Wainit, Speaker
Truk Legislature

Annetata:




Datasi Albert
Legislative Clerk/Secretary
Truk Legislature

Pwinin maram:

September 23, 1981

Kapunguno seni:



Erhart Aten, Governor
Truk State Government

Pwinin maram:

October 5, 1981